


Las vischnancas prestan dapli per sustener la cultura. (Graficas e funtauna: uffizi federal da cultura ed uffizi federal da statistica)



Tgi che fotografescha fa era cultura, da gliez n'èn ins gnanca pertschart.

Tgi paja, tgi fa, tgi consuma cultura?

Ina survista statistica davart la vita culturala en Svizra

■ (anr/vi) Sco emprim in detagl: La novissima statistica culturala pon ins empustar per rumantsch. La brochura mussa tge stil da musica ch'els Svizzers taidlan il pli gugent, tge instruments ch'els sunan il pli stedi e tge film e cudesch ch'è il onn passà cun la plima. La «Survista statistica da la cultura Svizra» cumenza cun ils daners. Sch'ins stuess engiavinar, tgi che impundia la pli gronda summa per la cultura, schess ins forsà a moda spontala «la confederaziun». Ma lezza spenda «be» enturn 300 milliuns francs l'onn. Pli generus èn ils chantuns cun passa 1 milliarda. E la pli bella buccada deriva cun passa 1,3 milliardas da las vischnancas.

Dal reminent: Turitg è il chantun ch'impunda il pli bler, numnadamain prest ina mesa milliarda. Appenzell Ddens fa il Gion davos: Mo 1'798 francs ha il chantun dà il 2013 per la cultura, 32 pertschient da questa summa ha el premdi da las lottaria.

E tgi survegn ils daners? Il maun public finanziescha il pli gugent concerts e teaters. La sparta da film e kino na vegn betg pupragnada e survegn atgnamain mo mieulas.

Blers chantan – paucs fan street art
Circa 70 pertschient da la populaziun svizra va ina giada l'onn ad in concert,

va en in museum u a guardar in film etc. Però mo 20 pertschient visita dapli che trais giadas l'onn talas occurrenzas u instituziuns. I dat grondas differenzas tranter las diversas gruppas da la populaziun: Tgi che viva en ina citad va pli savens ad occurrenzas culturalas, quai vala era per glieud giuvna. Cunzunt il nivel da la scolaziun influenzescha il consum da cultura.

Ina buna nova: Quasi duas terzas da la populaziun han pratigà inscuras in hobi cultural u creativ, quai han ins eruì en il rom d'ina enquista tematica. Bunamain in tschintgavel da las personas interrogadas han inditgà ch'ellas fotografeschan, disegnan, malegian u fetschian musica en il temp liber. Mo ina pitschna part da la populaziun scriva blogs, gioga teater, fa rap u street art. Personas tranter 15 e 29 onns pratigeschon savens hobis culturals u creativs. Chantar è dal reminent insatge che tut las generaziuns fan.

Radund 60 pertschient da la populaziun s'engascha sin ina moda u l'autra en in'uniun: 40 pertschient en in'uniun sportiva u recreativa, 16 pertschient en in'organisaziun culturala.


Ils blers taidlan pop e rock
Musica taidlan quasi tuts. Blers fan era musica a moda activa: 20 pertschient

chantan, 17 pertschient sunan, 9 pertschient sautan. La rangaziun musca che pop e rock è il stil pli preferì. La musica classica stat sin plaz dus. Lura suondan jazz, musica populara, folclora internaziunala, tecno, house ed il davos vegnan ils schlaghers. Impressiunant èn era cifras davart scolars da musica: 36'300 scolars emperndan clavazin, 20'000 ghitarra. Lura suondan violina e flauta.

L'onn passà han ils kinos svizzers mussà 1674 films, 261 da quels eran films svizzers. En las 570 salas da kino han ins vendì passa 14 milliuns entradas. Ina entrada custa en media 15.55 francs. Sisum ils top ten dals films svizzers stat «Uorsin». Sin plaz dus suonda «Ufahrt Oerlike» e sin plaz trais vegn cun «Giovanni Segantini – Magie des Lichts» puspè in film cun connex gri-schun.

Il 2014 èn cumparids en Svizra 5'768 cudeschs, la mesadad per tudestg. En Svizra datti 548 librarías. Lecturas e lecturs da la Svizra tudestga han cumprà passa 20 milliuns cudeschs, da la Svizra franzosa radund 10 milliuns.

La brochura «Survista statistica da la cultura Svizra» exista en tuttas linguas naziunals. Ins po retrair ella gratuit tar kultur_gesellschaft@bak.admin.ch u chargiar giu en furma electronica da la pagina da l'uffizi da cultura.




Il film sto engaldir. Il maun public sustegna il pli gugent concerts e teater. (Graficas e funtauna: uffizi federal da cultura ed uffizi federal da statistica)

Ils instruments sunads il pli savens tenor il dumber da scolars a las scolas da musica 2015

Rang	Instrument	Scolars
1	Clavazin classic	36'300
2	Ghitarra acustica	20'000
3	Violina	12'300
4	Flauta a bec	9'200
5	Chant / scolaziun da la vusch	8'700
6	Drumset (battaria)	8'200
7	Flauta traversa	6'700
8	Trumbetta / cornet	5'400
9	Ghitarra electronica	5'200
10	Violoncello	5'000
11	Clavazin electric	4'700
12	Saxofon	4'600
13	Clarinetta	3'900
14	Battaria classica / instruments a batgetta	3'300
15	Accordeon	2'400
16	Arpa	1'600
17	Orgelet da maun	1'500
18	Posauna	1'300
19	Corn	900
20	Oboa / corn anglais	800

Da smirvegliar quants scolars ch'emperndan in instrument.



Preferentschas: La musica populara è oz il pop e rock.